

ԱՐԶԱՎՈՒՐԴ ՔՈՐՈՒԼԵԹՈՒՄ. ՀԱՅԱՅՔ ԵՐԵՎԱՆԻՑ

ՍԵՎ ԾՈՎԻ ԱՓԻՆ ԱՄԵՆՈՒՐԵՔ ՀՆՉՈՒՄ Ե «ԱՐԱՐԱՏԸ ՄԵՐ ԼԵՌՆԱ» ԵՐԳԸ

Ստորև ձեռ ուշադրության ենք ներկայացնում Երևանի «Հետք» կայքում հրապարակված, լրագրող Գագիկ Աղբալյանի հետաքրքիր ռեպորտաժը՝ Վրաստանի սեւծովյան ափին՝ հայաստանցի հանգստացողների մասին:

Հուլիս-օգոստոս ամիսներին առնվազն մի քանի տասնյակ հազար հայաստանցի հանգստանում է Աջարիայի լողափերում: Ծով չունեցող երկրի համար հարեւան Վրաստանը դարձել է ամառային հանգիստն անցկացնելու շատ հարմար վայր: Գոնե՛ ֆինանսական առումով: Եվ սեզոնին Սեւ ծովի ափն ակամա դառնում է տարածաշրջանի ժողովուրդների ազգային նկրտումների դրսևորման բեմահարթակ: Հայաստանցիներն առաջին դիրքերում են:

Յերեկային ժամերին, Քոբուլեթիում, հայաստանցիներն աննկատ են, հայկական պետհամարանիշերով ավտոմեքենաներն ընդհանուրի մեջ մեծ թիվ չեն կազմում՝ հազիվ 10-15 տոկոս: Ուրիշ է, երբ սկսվում է երեկոյան ժամանցը:

Քոբուլեթին հայաստանցի ջազի սիրահարներին քաջ ծանոթ, աշխարհահռչակ ջազ-փոփ երգչուհի Նինո Քաթամաձեի ծննդավայրն է: Բայց տուրիստական շրջանում այն վերածվում է Թաթա Սիմոնյանի ու Արմենջիկի երկրորդ հայրենիքի:

Քոբուլեթի քաղաքային հիվանդանոցի հարեւանությամբ տեղակայված ծովափնյա երեք սրճարաններից երկուսում անդադար հայկական երաժշտություն է հնչում, այն էլ՝ չափազանց բարձր ձայնով: Մինչև գիշերվա երկուսն անհնար է աչք փակել: Գիշերային ժամերին տարածքին իշխողը Թաթան ու Արմենջիկն են: Իսկ երեկոյի ամենասպասված երաժշտական համարը Վարդանիկի «Արարատը մեր լեռնա» երգն է եւ Արա Գեւորգյանի «Արցախը» այսպես ասած ռաբիս կատարմամբ:

Սրճարանների «պարահրապարակը» լցվում է երիտասարդ ու տարեց հայաստանցիներով, ովքեր Քոբուլեթիում են՝ ողջ տարվա հոգնածությունը թոթափելու համար: «Արարատը մեր լեռնա, եղե՞նք թուրքի բեռնա»՝ հնչում է ձայնագրությունը, ու սրճարանի հայ այցելուները, որ մոտ 90 տոկոս են կազմում, դոփում են պարի հայկական, վրացական ու աջարական էլեմենտներով:

Իմ նշած երեք սրճարաններից երկուսն անմիջապես հարեւանությամբ են ու մրցակցում են, թե ով ավելի շատ հաճախորդ կգրավի: Նրանցից մեկը՝ «Sun House» անունով, միշտ կիսադատարկ է: Երկրորդում այցելուների պակաս չկա: Այստեղ երեկոյան ժամերին մերոնք են քեֆ անում:

Երրորդը՝ «Աֆիման», մի փոքր ավելի հեռավորության վրա է: Սա էլ է «հայերիցը»: «Աֆիմայի» մենեջերին հարցնում են՝ հայ հաճախորդները վճարում են հայկական երգերի համար, դրանք պատվերնե՞ր են: Չարմացած պատասխանում է. «Ո՛չ, ինչ էք ասում: Հայաստանցիները մեզ համար սպասված հաճախորդներ են»:

ԳՆՈՐԳԻՆ ԵՎ ԿՍԿԵ ՄՐԱՍՔԸ

Քոբուլեթի կենտրոնական մարզադաշտի հարեւան փողոցներից մեկում աղմուկ է՝ հայ երեխան անզգուշորեն դիպել է խանութներից մեկի մոտ տեղադրված կավե սպասքին, որն ընկել ու ջարդվել է: Խանութպանը՝ միջին տարիքի մի տղամարդ, երեխայի մորից ու տատից պահանջել է 25 լարի վճարել: Նրանք փորձել են սակարկել, եւ խանութպանը

երեխայի մորը, այսպես ասած, պատանդ է վերցրել՝ խանութի դուռը ներսից փակել է՝ երիտասարդ կնոջը չթողնելով դուրս գալ խանութից: «Մինչև փողս չտաս, դուրս չես գա», - ասել է:

Երեխայի մայրն ու տատը ոստիկանություն են կանչել: Խանութպանը փախել է տարածքից: Մի խումբ հայեր ոստիկանից պահանջում են՝ բերման ենթարկել խանութպանին:



«Սեզ ձեռ քրջոտ իրերը պետք չեն, որ մի հատ էլ գերու նման կողպեք խանութում», - գոռում են երեխայի մայրն ու տատը: Ոստիկանը փորձում է հարթել խնդիրը: «Դուք վճարել եք, նրանք պահանջ չունեն, դուք՝ նույնպես», - ասում է կոչումով ավելի ավագը: «Ոչ: Ես հայտարարություն ունեմ անելու: Ուզում եմ գրել: Կանչեք դրան, թող էստեղ գա», - ասում է հայ կինը:

Հարեւան քոբուլեթցիները փորձում են պաշտպանել խանութպանին. «Տիկին, եթե ջարդել եք սպասքը, ինչո՞ւ չպետք է վճարեք»: Ոստիկաններին դժվարությամբ է հաջողվում հարթել միջադեպը:

ՆՈՂԱՐԸ, ԲԱՅՅ Ո՞՞՞ ԳՈՒՄԲԱՅՆԵ

Այս տարի, Սեւ ծովի ափերին, բազմաթիվ հայաստանցիներ սոցիալական խնդիրներ էին լուծում:

Բաթումիի Բարաթաշվիլու փողոցում, քաղաքային իշխանությունների կողմից գծված սպիտակ գծերի տարածքում՝ վճարովի կայանատեղիում, կայանում են ավտոմեքենան: Դիմացի մայթից արագորեն մոտենում է զազարագույն ժիլետով, ակնոցներն արծվաքթին մի երիտասարդ ու հայերենով ողջունում:

Նողարն է՝ ծնունդով գեթուցցի: Վերջին մի քանի ամիսներին, իր պատմելով, Բաթումիում է աշխատում, իսկ տուրիստական սեզոնից հետո մեկնելու է Ռուսաստան: Նողարի աշխատանքը՝ համապատասխան վճարի դիմաց ավտոմեքենաները հսկելն է:


Բարաթաշվիլու փողոցը կենտրոնականներից է: Ինչպես Երևանում, այնպես էլ Թբիլիսիում եւ Բաթումիում ավտոկայանատեղիները վճարովի են: Միայն, ի տարբերություն Երևանի, Վրաստանի քաղաքներում «կարմիր գծերը» սպիտակ գույնով են ներկված: Անգամ եթե հյուր են՝ կայանելու դիմաց չվճարելու դեպքում՝ կտուգանվեն:

ԿՐԹԱՎԱՆ



ՀԱՄԱԿԱՐԳԻՉՆԵՐ՝ ԱՌԱՋԻՆ ԴԱՍԱՐԱՆՑԻՆԵՐԻ ՀԱՄԱՐ ԸՈՒՐՋ 1000 ՆՈՒԹԲՈՒՔ՝ ԶԱՎԱԽԵԹՅՈՒՆ ԱՌԱՋԻՆ ԴԱՍԱՐԱՆՑԻՆԵՐԻՆ

Նոր ուսումնական տարվա համար բոլոր առաջին դասարանցիները՝ որպես նվեր կստանան Acer ֆիթմայի համակարգիչներ:



Ինչպես տեղեկացրեց Վրաստանի կրթության եւ գիտության նախարարության ՀիՒԱ հանրակրթական եւ գիտական ենթակառուցվածքի զարգացման գործակալությունը, սեպտեմբերի 15-ին բոլոր առաջին դասարանցիները՝ որպես նվեր համակարգիչներ կստանան:

Այս ուսումնական տարվա համար, համարային դպրոցներում, առաջին դասարանում գրանցվել է 50341 աշակերտ, քանի որ համակարգիչներ են տրվելու նաեւ առաջին դասարանի դասղեկներին, հետեւաբար, նախարարությունը, ընդհանուր առմամբ, գնել է 53700 համակարգիչ: Նոութբուքերի գինը 371 լարի է:

Ստացված տեղեկատվության համաձայն, դեռեւս հուլիսի 22-ին, Վրաստանի կրթության եւ գիտության նախարարության ներկայացուցիչները Ձավախեթի բերեցին առաջին դասարանցիների համար նախատեսված շուրջ 1000 նոութբուք:

Մասնավորապես, Ախալքալաքի մունիցիպալիտետում, 2017-2018 ուսումնական տարում, 614 (նախորդ տարվա 674-ի դիմաց) առաջին դասարանցի կստանան նոր Acer նոութբուք, իսկ Նինոծմինդայի մունիցիպալիտետում՝ 351 առաջին դասարանցի:

Ըստ Ախալքալաքի Կրթական ռեսուրս-կենտրոնի

տնօրեն Թերեզա Չիվչյանի, դպրոցներին նոութբուքերի բաժանումը կիրականացվում է մինչ ուսումնական տարվա սկիզբը:

Այս տարի անցնան, սակայն նվազել է Ախալքալաքի շրջանի առաջին դասարանցիների թիվը՝ նախորդ տարվա համեմատ: Անցյալ տարի առաջին դասարան է գնացել 674 երեխա:

Ըստ Կրթության եւ գիտության նախարարության հասարակայնության հետ կապերի աշխատակից Թամունա Մինդիաշվիլու, նրանք արդեն ավարտել են համակարգիչների բաժանումը Կախեթիում, Քվեմո Բարթիլում, Շիդա Բարթիլում եւ կավարտեն Սամցխե-Ձավախեթիում:

Բորժոմիի մունիցիպալիտետում այս տարի համակարգիչ կստանա 337 առաջին դասարանցի, Ախալցխեում՝ 596, Ադիգեմիում՝ 194 եւ Ասպինձայում՝ 166:

«Իմ առաջին համակարգիչը» ծրագիրը, ըստ որի բոլոր առաջին դասարանցիներին բաժանվում են համակարգիչներ, սկսվել է 2011թ.:

Պատրաստեց Արեվիկ Մանուկյանը

Նողարը վստահեցնում է, որ «սպիտակ գծերի» համար վճարելու կարիք չկա, ինքը գործին «տեր» կկանգնի: «Դե որ, մենք մերոնցով ենք, բռատ ջան, ինչ կտաս՝ տուր, խնդիր չունեն: Կուզես՝ 5 լարի տուր, մինչեւ առավոտ թող կանգնած մնա: Հարեւանությամբ էմզարի ռեստորանն ա («Քարավան»): Էստեղ, ում հարցնես, ինձ գիտեն: Խնդիր չունես», - ասում է Նողարը:

Որպես հայրենակցի՝ Նողարն ինձ «խնայում է», «Ինչ կտաս՝ կտաս»: Կասկածում եմ իսկ եթե տուգանվե՞մ քաղաքային իշխանությունների կողմից, օրենքով չվճարելու համար: Նողարը երաշխավորում է. «Եթե տուգանեն, մեքենայի դիմապակուն ծանուցում կտեսնես: Բայց մինչեւ ուշ գիշեր էստեղ եմ, ես տեր եմ, չես տուգանվի»:

Վերադառնում եմ մոտ երեք ժամից: Նողարի գործուն «աշխատում է», ավտոմեքենայի դիմապակուն որեւէ գրություն չկա:

ՏՈՒՐԻԶՄ՝ ԲՈՒՐԻ ՀԱՍԱՐ

Դեռեւս 2010 թվականին՝ Վրաստանի խորհրդարանն ընդունել է Քոբուլեթի ազատ զբոսաշրջային գոտու մասին օրենք, որը մասնակիորեն ազատում է ներդրողներին, որոնք հյուրանոցների շինարարության համար ներդրում կկատարեն: Ընդունելի մակերեսը 11,4 հեկտար է:

Օրենքի համաձայն՝ այն ներդրողները, որոնք առնվազն 1 միլիոն լարի կներդնեն հյուրանոցների կառուցման համար, 15 տարվա ընթացքում, ազատված կլինեն եկամտային եւ գույքային հարկերից: Ընկերությունը, որը կներդնի 1 միլիոն լարի, ազատ զբոսաշրջային գոտու կստանա տարածք՝ խորհրդանշական 1 լարիի դիմաց:

Միևնույն ժամանակ, վրացական կառավարությունը պարտավորություն է վերցրել շինարարության տարածքում ապահովել զազատարի, ջրատարի, էլեկտրակառուցված անցկացումն ու ճանապարհի կառուցումը:

Քոբուլեթի տարեցտարի դառնում է ավելի գրավիչ: Քաղաքում փոփոխություններ են կատարվում շատ արագ: Եթե 5-6 տարի առաջ այն գյուղի տպավորություն էր թողնում, ապա, այսօր արդեն բոլոր փողոցները սալապատված են:

Վրաստանի իշխանություններն ամեն ինչ անում են՝ երկիրը զբոսաշրջիկների համար գրավիչ դարձնելու եւ մեծ եկամուտներ ապահովելու համար: Եվ խոսքն ամենեւին էլ՝ ափերը մասնավորի կողմից գրավելու մասին չէ, ինչպես Սեւանում է:

Քոբուլեթիում թերեւս չկա տուն, որտեղ վարձով սենյակներ չտրվեն զբոսաշրջիկներին, եւ տեղի բնակիչները, ծառայությունների մատուցման դիմաց ստանում են պատկառելի եկամուտներ: Տուրիստական թեժ շրջանում նվազագույն գինը 15 լարի է (մոտ 3000 դրամ)՝ մեկ անձի համար:

Աջարական լողափերն ազատված են ամեն տեսակի «բիսեդկաներից»: Եվ ընդհանրապես, այստեղ «բիսեդկաներ» չեն տրվում վարձակալության: Բացի փոքրիկ նավակներ վարձակալության տալն ու որոշ էքստրեմալ ծառայությունները, որոնք ուղիղ կապ ունեն ծովի հետ, մյուս բոլոր ծառայություններն իրականացվում են ափից մի քանի տասնյակ մետր հեռավորության վրա:

Ափն այստեղ իրականում հանրային է:

«ԱՐՏԵԿ» ՈՒՂԵՎՈՐՈՒԹՅԱՆ ՀԱՄԱՐ ՊԱՏԱՍԽԱՆԱՏՈՒՆԵՐԸ ԿՊԱՏԺՎԵՆ

Ռուսաստանի կողմից բռնազավթված Դրիմում, «Արտեկ» ճամբար ուղարկած վրաց աշակերտների հանգստանալու կապակցությամբ, Վրաստանի կրթության եւ գիտության նախարար Ալեքսանդր Ջեջելավան հայտարարեց, որ ուղեւորության պատասխանատուները կհայտնաբերվեն ու կպատժվեն:

Ավելի վաղ, Կրթության նախարարությունը, փաստի դատապարտմամբ, հանդես էր եկել հատուկ հայտարարությամբ. «Դա բացարձակապես անընդունելի որոշում է դպրոցի մանկավարժների, տնօրինության եւ ծնողների կողմից: Առավել զարմացնում է այն, որ ընտանիքները որոշել են իրենց երեխաներին ուղարկել բռնազավթված տարածք: Մենք քննարկում ենք ստեղծված իրավիճակը: Առնվազն գործում ենք սխալ որոշման հետ, իսկ առավելագույնը՝ չարական կանխատեսված վարքի հետ, եւ դրա բոլոր պատասխանատուները կբացահայտվեն եւ անպայման կպատժվեն», - հայտարարեց Ալեքսանդր Ջեջելավան:

Նշենք, որ, օգոստոսի 7-ին, Թբիլիսիի թիվ 146 հանրային դպրոցի վեց աշակերտ, մանկավարժի ուղեկցությամբ, մեկնել է «Արտեկ» ճամբար:

ՀԱՐՑ - ՊԱՏՃԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ՀԻՊՈԹԵԶ

ՀԱՅՏՆԱԲԵՐՎԵԼ Ե ԾԵՐՈՒԹՅՈՒՆԸ ՊԱՆՊԱՂԵՅՆԵԼՈՒ ԱՄԵՆԱՊԱՐՉ ՄԵԽԱՆԻՉՄԱԸ



Հետաքրքիր է հետազոտություններ արվել են, արդյոք ծերացման գործընթացի դանդաղեցման կամ ընդհանրապես դադարեցման մեխանիզմների բացահայտման ուղղությամբ: Ընդհանրապես այս հարցը որքանով է իրատեսական գիտական արդի չեռքբերումների ֆոնի վրա:

Մասնուլի

Որքան էլ տարօրինակ լինի, սույն հարցը շատ վաղուց է, ինչ հետաքրքրում է գիտնականներին: Եվ այդ ուղղությամբ կան որոշակի տեղաշարժեր: Մասնավորապես, ԱՄՆ-ի Կալիֆոռնիայի համալսարանի գիտնականները պարզել են, որ ցածրկալորիական սննդակարգը նպաստում է առաջացած տարիքում կենսաբանական ժամացույցի պահպանմանը եւ խոչընդոտում է ծերացմանը: Հետազոտողների հոդվածը հրատարակված է Cell համդեսում, մանուլի տեղեկագիրը մատչելի է նաեւ EurekAlert!-ի կայքում:

Մակայն կրծողների այն խմբում, որոնց օրաբաժինը 30 տոկոսով պակաս կալորիական էր վեց ամսվա ընթացքում, կենսաբանական ժամացույցը «երիտասարդացել է»: Պարզվել է, որ այն մեխանիզմի աշխատանքին, որը պատասխանատու է սննդի յուրացմանը մասնակցող գենների անջատման եւ ակտիվացման համար, նկատելի փոփոխություններ են դիտվել տարիքի հետ:

Սակայն կրծողների այն խմբում, որոնց օրաբաժինը 30 տոկոսով պակաս կալորիական էր վեց ամսվա ընթացքում, կենսաբանական ժամացույցը «երիտասարդացել է»: Պարզվել է, որ այն մեխանիզմի աշխատանքին, որը պատասխանատու է սննդի յուրացմանը մասնակցող գենների անջատման եւ ակտիվացման համար, նկատելի փոփոխություններ են դիտվել տարիքի հետ:

ԿԵՆՍԱԿԱՆ

ԱԿՏԻՎ ԿՅԱՆՔԻ ՕԳՈՒՏՆԵՐԸ

Ի՞նչ է նշանակում ակտիվ կյանք, եւ ի՞նչ առավելություններ ունի նման կենսակերպը:

Բոլնիսի

Կանոնավոր սեռական կյանքը մարդուն իրական տարիքից ավելի երիտասարդ տեսք հաղորդելու հատկությամբ է օժտված: 40-50 տարեկան այն տղամարդիկ, որոնք առավել երիտասարդ տեսք ունեն, տարիքային խմբին ներառված սեռական միջին ակտիվությամբ աչքի ընկնող մասնակիցների համեմատությամբ, 50 տոկոսով առավել հաճախ շաբաթական երեք անգամ են սեքսով զբաղվում:

Սիրտանոթային հիվանդությունների առաջացման ռիսկի նվազեցում

Ինչպես 20 տարիներին վերագրվող բժշկական տվյալների վերլուծություն իրականացրած բրիտանացի գիտնականներն են պնդում, շաբաթական առնվազն երկու անգամ սեքսով զբաղվող տղամարդիկ առավել նվազ ակտիվություն (ամսական մեկ անգամից էլ քիչ) ցուցաբերողների հետ համեմատությամբ, սրտի մահացու կաթվածի զոհը դառնալու տեսանկյունից, կիսով չափ փոքր ռիսկի են ենթարկվում: Մեկ այլ հետազոտությամբ էլ պարզվել է, որ կանոնավոր սեքսը, միմյանց հետ ապրող զուգընկերների պարագայում, արյան առավել ցածր դիաստոլիկ ճնշման կարող է հանգեցնել:

ՀԵՏԱՔՐՔԻՐ Է

ԽՈՇՈՐԱԳՈՒՅՆ ԱՏՏՂԱԿԵՐՊԸ ՄՈՏԵՆՈՒՄ Ե ՄՈԼՈՐԱԿԻՆ

Երկրին է մոտենում պոստեցիալ կերպով վտանգավոր, երկրաշուրջ օբյեկտների նկատմամբ NASA-ի սիստեմատիկ դիտարկումների սկսվելու ժամանակներից ի վեր (1980-ական թվականների վերջ) խոշորագույն աստղակերպը: Այս մասին հաղորդվում է ԱՄՆ-ի տիեզերական գործակալության կայքում:

2017 թվականի սեպտեմբերի 1-ին: Դրա տրամագիծը հասնում է հինգ կիլոմետրի: - Հայտնի շատ աստղակերպեր են ավելի մոտեցել երկրին, քան Ֆլորենսը, բայց նրանք բոլորն ավելի փոքր են,- ասել է Փոլ Հոդասը՝ NASA-ի երկրաշուրջ օբյեկտների հետազոտությունների կենտրոնից: - Ֆլորենսը ամենախոշոր աստղակերպն է, որը երկրին այդքան կմոտենա NASA-ի երկրաշուրջ աստղակերպերի հայտնաբերման եւ հսկման ծրագրի գործարկումից ի վեր:

Ֆլորենս օբյեկտը (3122) մոլորակից նվազագույն հեռավորության (յոթ միլիոն կիլոմետր կամ երկրի եւ Լուսնի միջև 18 հեռավորություն) վրա կլինի

ՀՈԳԵԲԱՆՈՒԹՅՈՒՆ

ՀԱՄԱԿԱՐԳԻՉՈՒ ԵՐԵՒԱՅԻ ԿՅԱՆՔՈՒՄ ՕԳՈՒՏՆԵՐՆ ՈՒ ՎՆԱՍՆԵՐԸ

Ամբողջ աշխարհում մասնագետները հիմա քննարկում են՝ դասել համակարգչից կախվածությունը մյուս մոլուցքների՝ թմրամոլության, ալկոհոլիզմի, ծխախոտից կախվածության շարքին, թե՞ ոչ: Բայց մինչև նրանք կորոշեն, ամեն վայրկյան այդ փոքրիկ սարքն ավելի ու ավելի է մխրճվում մեր կյանքի մեջ:

Համակարգչի առավել արագությամբ ու խորությամբ կլանում է հատկապես երեխաներին: Ընդունված է, որ համակարգչի առջև 2 ժամից ավելի նստելն արդեն նշանակում է, որ կա համակարգչից կախվածության միտում, իսկ եթե այդ ժամանակն արդեն գերազանցում է 4 ժամն ու ավելին, այս դեպքում արդեն, ծնողները պետք է անհանգստանան: Համակարգիչը երեխային կարող է ե՛լ ֆիզիկական, ե՛լ հոգեբանական լուրջ վնասներ հասցնել:

Համակարգչի առավել արագությամբ ու խորությամբ կլանում է հատկապես երեխաներին: Ընդունված է, որ համակարգչի առջև 2 ժամից ավելի նստելն արդեն նշանակում է, որ կա համակարգչից կախվածության միտում, իսկ եթե այդ ժամանակն արդեն գերազանցում է 4 ժամն ու ավելին, այս դեպքում արդեն, ծնողները պետք է անհանգստանան: Համակարգիչը երեխային կարող է ե՛լ ֆիզիկական, ե՛լ հոգեբանական լուրջ վնասներ հասցնել:



Նատարբեր էջերում կարող է հայտնվել:

Համակարգչային կախվածությունը կանխարգելելու համար անհրաժեշտ է վաղ տարիքից երեխայի կյանքում հետաքրքրություններ մտցնել: Եթե անձն անցկացնում է համակարգչի դիմաց 5-7 ժամ՝ դա արդեն ինչ-որ չափով խոտում է կախվածության մասին: Այդ կախվածության կանխարգելման համար նախ պետք է իմանալ պատճառը: Պատճառները կարող են լինել բազմաթիվ՝ սկսած մանկական տարիքում հոգեբանական տրավմայից, վերջացած ընտանեկան կոնֆլիկտներից: Եթե արդեն պատճառը հասկանալի է, թե որտեղից է երեխայի մոտ առաջացել համակարգչային կախվածությունը, հնարավոր կլինի այն կանխել:

Հիմնականում համակարգչային կախվածության մեջ են ընկնում թերաթեթեություն բարդություն ունեցողները կամ մանկական տարիքում տրավմաներ ստացածները: Երեխաները կախվածության մեջ են ընկնում հիմնականում դեռահասության շրջանում՝ համակարգչային խաղերից, որոնք երեխայի մոտ առաջացնում են ագրեսիա:

Նման կախվածությունը կանխելու համար՝ ծնողները պետք է վաղ տարիքից ավելի շատ ժամանակ անցկացնեն երեխայի հետ, իսկ եթե զբաղված են լինում՝ երեխաներին ուղարկեն տարբեր խմբակներ: Համակարգչային կախվածությունը կանխարգելելու համար՝ անհրաժեշտ է, որ ծնողը երեխային զբաղեցնի այլ բաներով՝ հեքիաթներ ընթերցի, զբոսնի նրա հետ եւ այլն:


Նման կախվածությունը կանխելու համար՝ ծնողները պետք է վաղ տարիքից ավելի շատ ժամանակ անցկացնեն երեխայի հետ, իսկ եթե զբաղված են լինում՝ երեխաներին ուղարկեն տարբեր խմբակներ: Համակարգչային կախվածությունը կանխարգելելու համար՝ անհրաժեշտ է, որ ծնողը երեխային զբաղեցնի այլ բաներով՝ հեքիաթներ ընթերցի, զբոսնի նրա հետ եւ այլն:

ԹԵՎԱՎՈՐ ՄՏՔԵՐ

Միաբանությունը բարի գործերի մայրն է, իսկ անմիաբանությունը՝ չար գործերի ծնողը: **ԵՂԻՇԵ (5-րդ դար)** **Հայ պատմագիր** Չեն ցանկանում տանել երբեք ստրկական անարգանք: **Ն.ԲԱՐԱԹԱՇՎԻԼԻ (1817-1845)** **Վրաց բանաստեղծ** Բարոյական կայունությունը հաջողությունների ժամանակ ավելի կարեւոր է, քան՝ ձախորդությունների:

ԼԱՌՈՇՅՈՒԿՈ (1613-1680) **Ֆրանսիացի քաղաքական գործիչ** Ազատ է ապրում միայն նա, ով ուրախությունը գտնում է իր պարտքը կատարելու մեջ: **ՑԻՑԵՐՈՆԻ ՄՏՔԵՐԻՑ (մ.թ.ա. 106-մ.թ.ա. 43)** **Հռոմեական քաղաքական գործիչ, փիլիսոփա** Այն մարդը, որն իր առողջության մասին հոգալու ժամանակ չունի, նման է այն արհեստավորին, որն իր գործիքները նորոգելու ժամանակ չունի:

Ի.ՄՅՈՒԼԵՐ (1801-1858) **Գերմանացի բնագետ** Բազմիմացությունը խելք չի սովորեցնում: **ՀԻՊՈԿՐԱՏ (մ.թ.ա. 460-մ.թ.ա. 356)** **Հույն բժիշկ** Մարդու հագուստի կարկատանը երբեք իմ աչքում նրան չի նսեմացնում: **ԱՐՄԵՆ ԽԱՉԱՏՐՅԱՆ «Վրաստանի ընթերցող**



ԱՆԵԿԴՈՏՆԵՐ
- Բայց դու ի՞նչն ես. հերիք ա, մի հատ սիրուն աղջիկ տեսնես, միանգամից մոռանում ես, որ կին ունես:
- Սխալվում ես... ես հենց մի ժամանակ էլ, եղ անսին հիշում եմ:
- Հայտարարություն՝ մանկապարտեզում:
«Հարգելի ծնողներ, մի՛ հավատացեք այն ամենին, ինչ երեխաները պատմում են մանկապարտեզի մասին: Ի պատասխան դրա, մենք խոտանում ենք չհավատալ այն ամենին, ինչ նրանք պատմում են ծեր մասին»...
- Մի կին պատմում է ընկերուհուն.
- Երեկ, ամուսնուս հետ շատ անհարմար իրավիճակում հայտնվեցիք: Նստած էինք երկուսով, մեկ էլ հանկարծակի դուռը ծեծեցին... երկուս էլ, սովորություն համաձայն, վազեցիք դեպի պահարանը...
- Ինչո՞ւ դու չես ամուսնանում, ի՞նչ է, թեք առաջարկություն չե՞ն արել:
- Ինձ շատա՛տ անգամ են նման առաջարկություն արել:
- Օրինակ, ո՞վ:
- Մաման ու պապան:
- Հայրը որդուն.
- Է՛հ, տղա՛ս, կամուսնանա, նոր կհասկանաս՝ որն է իսկական երջանկությունը... բայց արդեն ուշ կլինի:

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍԱՆԻ», ԱՐՄԵՆԱՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

ՍՈՉԻՍԻ ԶԱՆԴԻՊԵՑԻՆ ՍԵՐժ ՍԱՐԳՍՅԱՆԸ ԵՎ ՎԱԿԻՄԻՐ ՊՈՒՏԻՆԸ

Օգոստոսի 23-ին, Հայաստանի նախագահ Սերժ Սարգսյանը, Ռուսաստանի Դաշնություն աշխատանքային այցի շրջանակներում, Սոչիում հանդիպում ունեցավ ՌԴ նախագահ Վլադիմիր Պուտինի հետ:



Սերժ Սարգսյանի և Վլադիմիր Պուտինի հանդիպումը Սոչիում:

Հանդիպմանը ռազմավարական գործընկեր երկու պետությունների ղեկավարները քննարկել են հայ-ռուսական երկկողմ ու բազմակողմ ծեւաչափով հարաբերությունների օրակարգին և համագործակցությանը վերաբերող հարցեր, անդրադարձել՝ Հայաստանի նախագահի այս տարվա մարտին Ռուսաստան կատարած պաշտոնական այցի ընթացքում ձեռքբերված պայմանավորվածությունների իրագործման ընթացքին:

Նախագահներն անդրադարձել են նաեւ ԵԱՏՄ եւ ՀԱՊԿ շրջանակներում զարգացող ինտեգրացիոն գործընթաց-

ներին, մտքեր փոխանակել միջազգային եւ տարածաշրջանային արդիական հարցերի, այդ թվում՝ Լեռնային Ղարաբաղի հակամարտության կարգավորման շուրջ:

ՀԱՅԱՍՏԱՆ-ԹՈՒՐԿՄԵՆՏԱՆ. ԱՏՈՐԱԳՐՎԵՑԻՆ ԶԱՄԱԳՈՐԾԱԿՑՈՒԹՅԱՆ ԽՈՐԱՑՄԱՆ ՓԱՍՏԱԹՂԹԵՐ

Հայաստանի նախագահ Սերժ Սարգսյանի հրավերով, երկուստեք պաշտոնական այցով, Երեւանում էր գտնվում Թուրքմենստանի նախագահ Գուրբանգուլի Բերդիմուխամբեզովը:

Սերժ Սարգսյանը եւ Գուրբանգուլի Բերդիմուխամբեզովը, բարձր մակարդակի բանակցությունների արդյունքներով, ստորագրեցին Համատեղ հայտարարություն:

Ստորագրվել են նաեւ Հայաստանի եւ Թուրքմենստանի միջեւ մի շարք ոլորտներում երկկողմ համագործակցության խորացմանն ուղղված փաստաթղթեր: Այսպէս՝ երկու երկրների նախագահները

հանդիպման արդյունքներն ամփոփեցին զանգվածային լրատվամիջոցների ներկայացուցիչների առջեւ հայտարարություններով:

Ի պատիվ պաշտոնական այցով Հայաստանում գտնվող Թուրքմենստանի նախագահ Գուրբանգուլի Բերդիմուխամբեզովի՝ երեկոյան, նախագահ Սերժ Սարգսյանի անունից, տրվեց պաշտոնական ճաշկերույթ:



Սերժ Սարգսյանը և Գուրբանգուլի Բերդիմուխամբեզովը Սոչիում:

ՄԵԿՆԱՐԿԵԼ Է «ՌԻՍՈՒՑԻՉ» ՆԱԽԱՋԵՌՆՈՒԹՅՈՒՆԸ

Օգոստոսյան խորհրդակցությունների նախաշեմին՝ Հայաստանի կրթության եւ գիտության նախարարությունը տվեց «Ուսուցիչ» նախաձեռնության մեկնարկը:

Ինչպես նշեց Հայաստանի կրթության եւ գիտության նախարար Լեւոն Մկրտչյանը, արդեն երկու տարի է, իրենք մտել են կրթական համակարգի վերափոխումների շրջան. - Սեր ուժը նրանում էր, որ բարեփոխումները շարունակական բնույթ էին կրում:

Մենք կարողացանք ձեւավորել կրթական համակարգի այնպիսի շեմք, որն այսօր չափելի, ընկալելի եւ հասկանալի է աշխարհի համար: Ակտիվորեն ներառված ենք միջազգային կրթական համակարգի մեջ, մեր հիմնական դաշտը եվրոպական քաղաքակր-

թական համակարգն է, որի մեջ է նաեւ ԱՊՀ երկրների կրթական համակարգը,- ասաց նախարարը:

Նրա խոսքով՝ արդեն ժամանակն է անցնելու երկրորդ փուլին, որը շատ կարելի է: Լեւոն Մկրտչյանն ընդգծեց, որ պետք է հիմնական հարց դարձնել որակի հիմնախնդիրը, որն այսօր գերակա է գերատեսչության համար:

Հանրակրթությունում մոտ

1400 դպրոցների մի հսկայական զանգված կա, որտեղ հաստատություններն ունեն առավելագույնը 100 աշակերտ, իսկ բարձրագույն կրթության ասպարեզում՝ մոտ 87.000 ուսանողությանը սպասարկում են 65-ից ավելի համալսարաններ:

Նախարարը նշեց, որ սա շատ լուրջ մարտահրավեր է եւ ուղղակիորեն վտանգում է կրթական համակարգի որակը:

«ԻՆՉՈՒՒ ԵՆ ԴԵՂ ԳՆԵԼՈՒ ԶԱՄԱՐ ՄԱՐԴԻԿ ՄԵԿՆՈՒՄ ՎՐԱՍԱՆ»

«Ելք» խմբակցության պատգամավորներ Նիկոլ Փաշինյանը, Գեորգ Գորգիսյանը, Սանն Թանդիյանը եւ Արտակ Ջեյնայանը օրենքի նախագիծ են ներկայացրել Ազգային ժողով, որով առաջարկում են՝ «Ավելացված արժեքի հարկի մասին» օրենքում փոփոխություն կատարելու միջոցով դեղերի իրացումն ազատել ավելացված արժեքի հարկից:

Պատգամավորների կարծիքով, դեղերի բարձր գները հանգեցնում են մի իրավիճակի, երբ Հայաստանի բազմաթիվ քաղաքացիներ ստիպված են՝ անհրաժեշտ դեղեր ձեռք բերելու համար, դիմել արտերկրում ապրող կամ արտերկիր մեկնող բարեկամներին: Ընդհուպ, դեղերի գնումներ իրականացնելու համար՝ մեկնել հարեւան Կրաստան:

Փորձագետների, պետական պաշտոնյաների մեկնաբանությունների համաձայն՝ Հայաստանում դեղերի բարձր գների առանցքային պատճառներից մեկն այն է, որ մեր երկրում դեղերի իրացման վրա կիրառվում է ավելացված արժեքի հարկ: Ստեղծված իրավի-

ճակը սպառնալիքներ է ստեղծում ՀՀ քաղաքացիների առողջության պահպանման համար, որովհետեւ դեղերը Հայաստանում գնալով դառնում են ավելի ու ավելի անմատչելի,- պատճառաբանում են նախագծի հեղինակ պատգամավորները:

Նրանց կարծիքով, դեղերի իրացումը ԱՄՀ-ով հարկումից ազատելը կհանգեցնի դեղերի որոշակի էժամացման, դեղերը, համապատասխանաբար, կդառնան ավելի մատչելի, ինչը դրական ազդեցություն կունենա Հայաստանի բնակչության առողջապահական վիճակի վրա:

ՎԱԽՃԱՆՎԵԼ Է ՊԵՐՏ ԶԵՅԹՈՒՆՑՅԱՆԸ

ՆՐԱ ՊԻԵՍՆԵՐԸ ԲԵՄԱՂՐՎԵԼ ԵՆ ՆԱԵՎ ԹԲԻԼԻՍԻՈՒՄ

Օգոստոսի 21-ին, 79 տարեկան հասակում, կյանքից հեռացավ արձակագիր, թարգմանիչ, հրապարակախոս Պերտ Չեյթունցյանը:

Պերտ Չեյթունցյանը ծնվել է 1938 թվականին, Եգիպտոսի Ալեքսանդրիա քաղաքում: 1948թ. տեղափոխվել է Հայաստան: 1956թ. լույս է տեսել պատմվածքների առաջին ժողովածուն: 1957թ.-ից Հայաստանի գրողների միության անդամ է: 1963թ. ավարտել է Պյատիգորսկի օտար լեզուների ինստիտուտը: 1963-64թթ. սովորել է Մոսկվայի բարձրագույն սցենարական դասընթացներում: 1965-68թթ. եղել է «Հայֆիլմ» կինոստուդիայի խմբագիրը, 1965-75թթ.՝ հեռուստաֆիլմերի «Երեւան» ստուդիայի գլխավոր խմբագիրը, 1975-86թթ.՝ Հայաստանի գրողների միության վարչության քարտուղարը:

Չեյթունցյանը է մի շարք վեպեր, վիպակներ, պիեսներ, որոնց մեծ մասը պատմական են: «Հայֆիլմ» կինոստուդիան նրա սցենարով նկարահանել է «Երեւանյան օրերի խորհրդակցություն» ֆիլմը: Պիեսները բեմադրվել են Երեւանի Գ.Սունդուկյանի անվան ազգային ակադեմիական, Հ.Ղափլանյանի անվան պետական դրամատիկական թատրոններում: Նրա ստեղծագործություն-

ները թարգմանվել են ֆրանսերեն, անգլերեն, ռուսերեն, արաբերեն, չեխերեն, հունգարերեն եւ այլ լեզուներով: Արժանացել է մի շարք մրցանակների, Հայաստանի մշակույթի վաստակավոր գործչի կոչման, Մայր Աթոռ Սբ. Էջմիածնի «Սուրբ Սահակ-Սուրբ Մեսրոպ» պատվո շքանշանի, «Մեսրոպ Մաշտոց» շքանշանի, «Պատվո շքանշանի»:

1980 թվականին Թբիլիսիի պետական հայկական դրամատիկական թատրոնը բեմադրեց Պերտ Չեյթունցյանի «Արշակ Երկրորդ» (ներկայացումը՝ ռեժիսոր Միքայել Գրիգորյանի), որտեղ գլխավոր դերում հանդես եկան Վրաստանի ժողովրդական արտիստներ Սերկի Շել-



Պերտ Չեյթունցյանը: Ասենք, որ այնտեղից հետո թբիլիսյան թատրոնում այդ ներկայացման մեջ գլխավոր դերերը կատարեցին երեւանցի հանրաճանաչ դերասան Խորեն Արախաչյանը եւ նրա տղին Լյուսյա Չոլիանը:

1985 թվականին թբիլիսյան թատրոնը բեմադրեց նրա «Ռոքի, դատարանն է գալիս» ներկայացումը, որտեղ գլխավոր դերերի կատարմամբ հանդես եկան Ֆելիքս Խաչատրյանը ու Սլավա Ստեփանյանը:

«ԱՐԻ՝ ՏՈՒՆ» ԾՐԱԳԻՐԸ ՍՈՇԵՍՎ ԵՐԱՍՏՆԻ

Օգոստոսի 25-ին, Աղավնաչորի «Արի՝ տուն» ձամբարում անցկացվեց Հայաստանի Սփյուռքի նախարարության «Արի՝ տուն» ծրագրի վերջին ութերորդ փուլի փակման հանդիսավոր արարողությունը: Միջոցառմանը մասնակցեցին Հայաստանի Սփյուռքի փոխնախարար Սերժ Սրապիոնյանը, նախարարության աշխատակազմի ղեկավար Ֆիրդուս Զաքարյանը, նախարարության աշխատակիցներ, մշակույթի գործիչներ, հյուրեր:

Միջոցառմանը արիտունցիները հանդես եկան համերգային ծրագրով, որը պատրաստել էին ձամբարային օրերի ընթացքում:

Նշենք, որ «Արի՝ տուն» ծրագրի 8-րդ փուլին մասնակցում էին 67 պատանի 13 երկրից՝ Ռուսաստանից, Ուկրաինայից, Վրաստանից, Թուրքիայից, Աբխազիայից, ԱՄՆ-ից, Սիրիայից, Լատվիայից, Գերմանիայից, Ֆրանսիայից, Ռումինիայից, Մեծ Բրիտանիայից եւ Լեհաստանից: 2017 թվականին «Արի՝ տուն» հայրենաճանաչության ծրագիրը հյուրընկալել է 36 երկրից ժամանած 1061 սփյուռքահայ երիտասարդների:

ՍՈՉԻՍՏՆՎԱՆ ԲԵՍՎԱՐԵՆ՝ ԱՆՕՐԵՎԱՆ ԸՆՏԱՆԻՔԵՐԻ ՀԱՍԱՐ

Օգոստոսի 21-ին, Գյումրիում, շահագործման հանձնվեցին առաջին սոցիալական բնակարանները՝ նախատեսված տնակներում եւ վթարային շենքերում ապրող միայնակ, անժառանգ ծերերի համար: Անի թաղամասի Տրոպա ճարտարապետ փողոցում գտնվող կիսակառույցներից մեկը, «ԱՌԴԱ» բարեգործական հիմնադրամի, ամերիկահայ բարերարներ Կոնի Կոնի Սեփեյանների եւ Գյումրու քաղաքապետարանի ներդրման շնորհիվ, վերակառուցվել էր 3 հարկանի շինության՝ 11 բնակարանով:

Հիշեցնենք, որ Գյումրու քաղաքապետ Սամվել Բալասանյանի եւ «ԱՌԴԱ» բարեգործական հիմնադրամի գործադիր տնօրեն Հրահայր Սրեփանյանի միջեւ դեռեւս 2016թ.-ի հուլիսի 6-ին էր համագործակցության հուշագիր ստորագրվել, որով հիմք էր դրվել՝ «Գյումրին առանց տնակների» ծրագրի շրջանակներում, սոցիալապես անապահով ընտանիքներին պետական բնակարաններ հատկացնելու նախաձեռնությանը:

ԽՈՍՐՈՎ ԲԵՏԱՌՈՒՄ ԶԲԳԵՉԸ ՄԱՐՎԵԼ Է

Օգոստոսի 23-ի դրությամբ, «Խոսրովի անտառ» պետական արգելոցի տարածքում ծխախոտ օջախների հետմարման աշխատանքները շարունակվում են: Նախորդ օրը՝ Հայաստանի պաշտպանության նախարարության օդուժի ուղղաթիռով իրականացվել է արգելոցի տարածքի օդային հետախուզություն:

Հետմարման աշխատանքներին մասնակցել է 45 հրշեջ-փրկարար եւ անտառտնտեսության 34 աշխատակից: Հայտնաբերել են ծխախոտ 100 օջախ, որոնք բոլորը մարվել են:

ՏԱՐԱԳՐՄԻ ՓՈԽՆԵՍՎՄԱՆ ԿՈՒՐՍԸ

(18 օգոստոսի)

Հայաստանի Ազգային բանկի կողմից սահմանվել է տարադրամի փոխանակման հետքայլ կուրսը:

ՏԱՐԱԳՐԱՄ	ԱՌՔ	ՎԱՃԱՌՔ
ԱՄՆ ԴՈՒԼԱՐ	477,50	480,00
ԵՎՐՈ	561,00	567,00
ՌՈՒՐԼԻ	8,01	8,17

Օգոստոսի 11-ի համեմատությամբ, ԱՄՆ դոլարի կուրսը աճել է 0,3 դրամով:

ԵԿԵՂԵՑԱԿԱՆ

26.08.2017. Սուրբ առաքյալ Թովմասի հիշատակության օր

ՕԳՈՍՏՈՍ



կանիչներով կերտել ու ձեւավորել է հայ օրհորդի, կնոջ եւ մոր նկարագիրն ու դիմագիծը՝ միաժամանակ, հրաշագործություններով այսօր էլ շարունակում է իր կենդանի ներկայությունն ու ներգործությունն ունենալ մեր կյանքում:

27.08.2017. Հիշատակ Սուրբ Աստվածածնի գոտու գյուղի

Սուրբ Աստվածածնի գոտու գյուղը Տիրամորը նվիրված Հայ Առաքելական Եկեղեցու յոթ տոներից է: Մի հանգամանք, որն ակնհայտ կերպով ցույց է տալիս Ար. Կույսի՝ հայ ժողովրդի հոգեւոր կյանքում ունեցած կարեւոր եւ նշանակալից տեղի ու դերի մասին: Նա, որպես մայրության եւ առաքինության կատարյալ օրինակ, դարեր ի վեր իր այդ հատ-

28.08.2017. Հիշատակ Սուրբ Ստեփանոս Ուլնեցու եւ Գոհարինե, Ծամիդես, Տյուքիկոս եւ Ռատիկոս վկաների

31.08.2017. Սուրբ Հովհաննես Կարապետի եւ Հոբ Արդարի հիշատակի օր

ՀՐԱՏԱԿ

ԲՈՒՐՈՒՆ ԱՆՀՐԱՄԵՆՏ ՇՆՈՍՆՈՍԱՀԱՄԱՐՆԵՐ

- Շտապ բժշկական օգնություն - 112
Պարեկային ոստիկանություն - 112
Հրշեջ-փրկարար ծառայություն - 112
Հրշեջ-փրկարար օպերատիվ ծառայություն - 01, 011, 275-20-85, 241-17-71, 241-17-72
Պահպանության ոստիկանություն - 125
Գլխավոր տեսչություն - 126
Տեղեկատվական բյուրո - 118 08
Քաղաքապետարանի թեժ գիծ - 272-22-22
Առողջապահության նախարարության թեժ գիծ - 294-49-11, 294-34-98
Ժողովրդական պաշտպան - 299-58-98, 292-24-79
Մարդու իրավունքների պաշտպանության կենտրոն - 237-69-50, 245-45-33
Երեխայի իրավունքների պաշտպանության քաղաքային կենտրոն - 299-66-04
Եղանակի բյուրո - 243-95-31, 245-95-32
«ՂազՏրանսԳազ»-ի տեղեկատվական ծառայություն - 231-04-04
Գազի վթարային ծառայություն - 04, 274-86-27, 274-89-04
ԹԷԼԱՍԻ-ի տեղեկատվական կենտրոն - 25-52, 225-52-11
ԹԷԼԱՍԻ-ի թեժ գիծ - 277-99-99, 227-44-11
Ջրամատակարարման թեժ գիծ - 293-11-11
Ջրամատակարարման շահագործման ծառայություն - 248-72-88
Կոյուղու վթարային ծառայության թեժ գիծ - 293-11-11
Օդանավակայանի տեղեկատվական բյուրո - 231-04-21
Երկաթուղային կայարան - 256-35-66, 256-47-60
Դիդուբեի «Օկրիբա» ավտոկայարան - 234-26-92
Նավթուղիի ավտոկայարան - 274-83-03, 274-63-23

ՍՊՈՐՏ

ՕՐՁԱՐ, ՍԱՂԹՈՒՄ ԵՆՔ ՀԱՐՁԱԿԱՆ ՎԵՐԱԿԱՐԳ



Օգոստոսի 25-ից սեպտեմբերի 2-ը, Գերմանիայի Համբուրգ քաղաքում կանցկացվի բռնցքամարտի աշխարհի առաջնությունը: Մրցաշարին մասնակցող Վրաստանը ներկայացնող երկու մարզիկներն են Վրաստանի վաստակավոր մարզիչ Ատոն Էլիզբարյանի սան, Վրաստանի բազմակի չեմպիոն, ախալքալաքցի Օթար Երանոսյանը (60կգ քաշային կարգ) եւ քութայիցի Յագո Կիզիբիան (81կգ քաշային կարգ):

Օթար Երանոսյանն աշխարհի առաջնության մասնակցության ուղեգիրը նվաճել էր Եվրոպայի առաջնության վերջերս հարկովում անցկացրած մրցաշարում հաջող ելույթի արդյունքում: Նշենք, որ, այսօր՝ օգոստոսի 26-ին, մրցաշարի բացման օրը, Օթարն իր ուժերը չափելու էր Ղազախստանի չեմպիոնի հետ, հաջորդ մրցակիցը լինելու է Հնդկաստանի չեմպիոնը: Այդ արգելագծի հաղթահարումից հետո՝ Օթարը կստանա առաջնության քառորդ կիսազրափակիչին մասնակցելու իրավունք: Հաջողություն քեզ, Օթար, մաղթում ենք հաղթական վերադարձ:

ԱՐՏՅՈՒՅՈՐԱՆՅԱՆ ԱՐՄԱՆԱՍԿ ՀԱՂԹՈՒՄ ԳՈՏՈՒ



Օգոստոսի 15-19-ը, Ուկրաինայի Բերդիչևե քաղաքում անցկացվեց բռնցքամարտի միջազգային երիտասարդական մրցաշար, որին մասնակցում էին 84 բռնցքամարտիկ՝ 11 երկրից: Վրաստանը ներկայացվել էր տարբեր քաշային կարգերի 8 մարզիկներով, որոնց թվում էր ախալքալաքցի Արտյոմ Յորդանյանը (մարզիչ՝ Ատոն Էլիզբարյան): Մրցաշարում տարած հաղթանակների արդյունքում՝ Արտյոմ Յորդանյանը 91 կգ քաշային

կարգում հաղթեց միջազգային մրցաշարում՝ նվաճելով «Կլիչկո եղբայրների մրցանակ» հաղթողի գոտին:

Արտյոմի խոսքով, ինքն ինտենսիվորեն պատրաստվում էր առաջնությանը, նախ՝ մարզվում էր Ատոն Էլիզբարյանի ղեկավարությամբ Ախալքալաքիում, հետո՝ 10 օրով մեկնել է Ուկրաինա՝ վերապատրաստման:

Այս պահին՝ Արտյոմը պատրաստվում է Եվրոպայի առաջնությանը, որը տեղի կունենա 2 ամսից:

Նշենք, որ, Ուկրաինայի Բերդիչևե քաղաքում կայացած Կլիչկո եղբայրների անվան երիտասարդների միջազգային մրցաշարին, մասնակցում էին նաև Հայաստանի մարզիկները, ովքեր իրենց ակտիվում գրանցեցին 5 մեդալ (մեկ՝ ոսկե, երեք՝ արծաթե եւ մեկ՝ բրոնզե):

ՈՍԿԵ ԵՎ ԲՐՈՆԶԵ ՄԵԿԱՆԵՐ՝ ԱՆԽԱՐԶԻ ԱՌԱՋՆՈՒԹՅՈՒՆՈՒՄ

Ֆրանսիայի մայրաքաղաք Փարիզում եզրագիծը հատեց հունահռոմեական ոճի ըմբշամարտի աշխարհի առաջնությունը:

Հայաստանցի ըմբշամարտիկ, Օլիմպիական խաղերի չեմպիոն Արթուր Ալեքսանյանը 98 կգ քաշային կարգում, երրորդ անգամ, նվաճեց մոլորակի ուժեղագույնի կոչումը: Նշենք, որ Արթուր Ալեքսանյանն աշխարհի չեմպիոն էր դարձել նաև 2014 եւ 2015 թվականներին: Գյումրեցի մարզիկը նաև Եվրոպայի առաջնության եռակի չեմպիոն է (2012, 2013, 2014): Հայաստանի հավաքականին ոսկե մեդալ բերեց նաև 80 կգ քաշային կարգում հանդես եկող Մաքսիմ Մանուկյանը: Առաջնությանը մասնակից վրաց ըմբշամարտիկները հայրենիք վերադարձան երկու բրոնզե մեդալով: Այսպես, 85 կգ քաշային կարգում այդ արժողության մեդալի արժանացավ Ռոբերտ Կոբլիաշվիլին, իսկ 98 կգ քաշային կարգում՝ Ռեւազ Նադարեիշվիլին:



Table with 6 columns and 10 rows, containing numbers 1 through 51 in a grid pattern.

Large advertisement for 'VRASTAN' (ՎՐԱՍՏԱՆ) featuring a list of services and contact information. Includes text like 'ՆԱԽՈՐԴ ՀԱՄԱՐԻ ԽԱՉՔԱՌԻ ՊԱՏԱՍԽԱՆՆԵՐԸ' and 'ՀՈՐԻԶՈՆԱԿԱՆ'.

Footer section with contact information for 'VRASTAN' (ՎՐԱՍՏԱՆ) in Tbilisi, Georgia. Includes phone numbers, website (www.vrastan.ge), and email (vrastan@caucasus.net).